

ADMINISTRACIÓN LOCAL

MUNICIPAL

CEDEIRA

Anuncio de bases da subvención para gastos de funcionamento de escolas de música de Cedeira

ANUNCIO

Mediante acordo adoptado polo Pleno do Concello en sesión ordinaria do 13.07.2017 aprobáronse as seguintes bases e convocatoria:

BASES DA SUBVENCIÓN PARA GASTOS DE FUNCIONAMENTO DE ESCOLAS DE MÚSICA DE CEDEIRA

1.-Obxecto da subvención.

O obxecto da convocatoria é subvencionar os gastos de funcionamento das escolas de música de Cedeira.

2.-Beneficiarios e requisitos.

Poderán participar todas as asociacións culturais con sede neste concello que estean rexistradas no Rexistro de Asociacións do Concello de Cedeira no momento de presentación de solicitudes, e que non contraveñan o regulado nos artigos 13 e 10 da Lei 38/2003 xeral de subvencións e Lei 9/2007 de subvencións de Galicia.

No caso de asociacións que foran beneficiarias de subvencións concedidas en anos anteriores polo Concello de Cedeira, deberán telas debidamente xustificadas.

A participación pode facerse de xeito individual ou en conxunto.

No caso de que presenten solicitude varias asociacións de forma conxunta, terán que asignar un representante a efectos de cobramento da subvención e de comunicación co Concello.

3.-Forma, lugar, prazo e documentación da presentación das solicitudes.

O prazo para presentar a solicitude será de 20 días hábiles a contar dende o día seguinte da convocatoria no Boletín Oficial da Provincia, a través da Base Nacional de Datos de Subvencións.

As instancias presentaranse a través da sede electrónica de acordo co establecido nos artigos 14 e 16 da Lei 39/2015, do 1 de outubro, do Procedemento Administrativo Común das Administracións Públicas.

Documentación:

1.-Anexo I cuberto e asinado polo presidente/a da asociación, adxuntando copia do DNI do solicitante e copia do C.I.F. da Asociación.

2.-Memoria-proxecto do desenvolvemento curricular a aplicar na Escola de Música (metodoloxía, oferta educativa, perfil e formación do profesorado, actividades complementarias...).

3.-Proxecto de estrutura orgánica para a xestión e funcionamento da Escola, que inclúa tanto perfil económico como pedagógico. Será requisito obrigatorio prever a creación dun órgano de participación con carácter consultivo que se poida reunir como mínimo unha vez cada tres meses e no que teñan representación o Concello, o profesorado, pais/nais e alumnado.

4.-Orzamento desagregado dos diferentes conceptos de gastos (gasto de persoal, subministración, material de oficina e didáctico, seguros, xestión...) e previsión de ingresos.

5.-Declaración xurada do solicitante de non ter a Asociación obrigas tributarias co Concello de Cedeira, nin coa Administración de Facenda ou Seguridade Social e de non contraveñir o regulado nos artigos 13 e 10 da Lei 38/2003 xeral de subvencións e Lei 9/2007 de subvencións de Galicia (anexo II).

4.-Criterios de avaliación para o outorgamento.

1.-A Memoria-proxecto do curriculum escolar poderá obter ata 5 puntos.

- 2.–O Proxecto de xestión, ata 5 puntos.
- 3.–Capacidade de financiamento propio, ata 5 puntos.
- 4.–Patrimonio da asociación (medios propios, instrumentos..), ata 5 puntos.
- 5.–Compromiso de emprego da lingua galega nas actividades e difusión da Escola de Música, 5 puntos.
- 6.–Experiencia en xestión de actividades de formación musical, ata 5 puntos.
- 7.–Propostas ou iniciativas encamiñadas a achegar a Escola de Música á cidadanía, ata 3 puntos.
- 8.–Colaboración coas actividades que se desenvolvan por parte do Concello, 2 puntos.

5.–Importe.

O importe da convocatoria ascende as seguintes cantidades:

Exercicio	Importe subvención	Importe mínimo da xustificación que se debe presentar	Importe máximo do anticipo
2017	8.000,00 €	12.307,69 €	6.000,00 €
2018	33.000,00 €	50.769,23 €	24.750,00 €
2019	33.000,00 €	50.769,23 €	24.750,00 €
2020	24.000,00 €	36.923,08 €	18.000,00 €

Para o 2017, o importe estímase para o curso que comezará en setembro de 2017 ata decembro de 2017. O importe das anualidades dos exercicios 2018 e 2019 son para o ano natural completo, e para o ano 2020 comprende ata o 30 de xuño de 2020.

A subvención final de cada exercicio non poderá superar o 65 % sobre o orzamento executado, procedendo o reintegro no caso de non achegar a xustificación mínima que debe presentar.

Só se concederá a subvención á asociación ou conxunto que acade o maior número de puntos entre os criterios de avaliación do punto anterior.

6.–Réxime de compatibilidade.

A subvención concedida será incompatible con calquera outra subvención ou axuda para actividades e/ou investimentos convocadas polo Concello de Cedeira. Porén será compatible con outras subvencións convocadas por outras entidades públicas ou privadas, sempre que os ingresos non superen os gastos de funcionamento.

A entidade que reciba a subvención está obrigada a facilitar os datos que lle sexan solicitados polo Concello.

7.–Órganos competentes para a instrución e resolución do procedemento.

As solicitudes presentadas serán avaliadas por unha comisión composta por: o concelleiro delegado de educación, a concelleira delegada de cultura e turismo, a axente de desenvolvemento local do Concello e unha funcionaria de secretaría municipal. A proposta de resolución, unha vez fiscalizada pola intervención municipal levarase á Xunta de Goberno, que acordará a concesión ou denegación da subvención.

8.–Prazos de execución e xustificación da subvención.

Unha vez que sexa concedida a subvención á asociación que obteña máis puntos, esta asinará un convenio co Concello no que se especificarán as obrigas e deberes de cada unha das partes.

A duración da subvención será de dous exercicios orzamentarios e poderá ser prorrogable por cada exercicio orzamentario por un máximo de catro exercicios.

O prazo de execución de cada un dos exercicios será o ano natural, agás no último, que será ata o 30 de xuño de 2020. O prazo de xustificación ata o 31 de xaneiro de cada exercicio, agás no último exercicio, no que remata o 31 de xullo de 2020.

Sen perxuício do anterior, admitiránse xustificacións parciais ao longo do ano.

A xustificación realizarase mediante a presentación da documentación sinalada a continuación na sede electrónica do Concello e deberá cumprir os seguintes requisitos:

- Facturas relativas aos conceptos expresados nos xustificantes de gasto que serán obrigatoriamente os que foran motivo da subvención, así como unha a súa relación das mesmas. No caso de xustificar o gasto con nóminas, deberán achegarse xustificantes das respectivas transferencias, e dos documentos correspondentes á seguridade social (TC1 e TC2).
- O beneficiario deberá figurar obrigatoriamente como destinatario da factura.

- Xustificante bancario do pagamento. Só se admitirán pagamentos en efectivo cando o importe da factura sexa inferior a 100,00 € e sen que poida ser obxecto de fraccionamento.
- Memoria da realización da actividade.
- Balance dos gastos de funcionamento.
- Certificado dos ingresos da actividade, que comprenderá a propia achega do Concello, matrícula e cotas, así como os demais ingresos derivados da Escola de Música ou bandas integradas, asinado polo Secretario/a ou Tesoureiro/a da entidade co visto bo do seu Presidente/a.

Unha vez xustificada correctamente a subvención concedida, ésta será aprobada pola Xunta de Goberno Local para o seu pagamento ao certificado do número IBAN achegado.

9.-Gastos subvencionables.

Considéranse gastos subvencionables os gastos de funcionamento da escola de música, e concretamente os seguintes:

- Gastos do persoal da Escola de Música (profesorado, conserxe/ordeanza e demais persoal directamente vinculado a Escola de Música) e gastos de administración da Escola (xestoría).
- Material didáctico ou de oficina para a Escola de Música
- Gastos de transporte para desprazamentos con motivo da Escola de Música
- Gastos de mantemento e reparacións das instalacións da Escola de Música, así como os subministros de enerxía eléctrica e comunicacións postais e telefónicas e demais subministros.
- Seguros de responsabilidade civil.
- Gastos de limpeza das instalacións.
- Gastos directos da organización de actividades relacionadas cos estudos musicais (cursos, seminarios e concertos ou similares).

En ningún caso serán subvencionables o importe de comidas e atencións protocolarias de similar natureza, que de selo caso serán asumidos por ingresos propios das Asociacións.

10.-Abono anticipado.

Poderanse facer entregas anticipadas do importe 75% do importe total no primeiro trimestre da subvención obxecto do convenio, quedando condicionado o seu abono a correcta xustificación dos gastos no anticipo anterior, con facturas ou gasto de nóminas conforme o sinalado na cláusula quinta, referida ao período anterior. O importe restante poderase adiantar no último trimestre, a expensas da xustificación global presentada.

11.-Control financeiro.

As subvencións concedidas polo Concello están suxeitas a control financeiro por parte dos órganos competentes do Concello.

12.-Regulación supletoria.

En todo o non previsto nas presentes bases, a concesión desta subvención regularase polo disposto na Lei 38/2003, xeral de subvencións, regulamento que a desenvolve, Lei 9/2007, de subvencións de Galicia e Bases de execución do orzamento do Concello de Cedeira.

ANEXO I

SOLICITUDE DE SUBVENCION PARA GASTOS DE FUNCIONAMENTO DE ESCOLAS DE MÚSICA DE CEDEIRA

1.-DATOS DO/DA SOLICITANTE.

DNI, NIE: _____ Data nacemento: _____ Nome e apelidos: _____

Enderezo: _____ N.: _____ Portal: _____
Esc.: _____ Planta: _____ Porta: _____
C.P.: _____ Concello: _____ Provincia: _____

Telefono: _____
Correo electrónico: _____
Actúa en representación da Asociación: _____

2.-DATOS PARA OS EFECTOS DE NOTIFICACIONES.

DNI, NIE: _____ Data nacemento: _____ Nome e apelidos: _____

Enderezo: _____ N.: _____ Portal: _____
Esc.: _____ Planta: _____ Porta: _____
C.P.: _____ Concello: _____ Provincia: _____

Telefono: _____
Correo electrónico: _____

3.-DOCUMENTACION QUE SE ACHEGA.

- ☐ Fotocopia do DNI do solicitante.
- ☐ Fotocopia do C.I.F. da Asociación.
- ☐ Memoria-proxecto do desenvolvemento curricular a aplicar na Escola de Música
- ☐ Proxecto de estrutura orgánica para a xestión e funcionamento da Escola, que inclúa tanto perfil económico como pedagógico.
- ☐ Orzamento desagregado dos diferentes conceptos de gastos e previsión de ingresos.
- ☐ Declaración xurada do solicitante de non ter a Asociación obrigas tributarias co Concello de Cedeira, nin coa Administración de Facenda ou Seguridade Social e de non contraveñir o regulado nos artigos 13 e 10 da Lei 38/2003 xeral de subvencións e Lei 9/2007 de subvencións de Galicia (anexo II).
- ☐ Certificación da conta bancaria para a transferencia da subvención.

_____, _____ de _____ de 2017.

Sinatura

CONCELLO DE CEDEIRA

De acordo co disposto na Lei organica 15/1999, do 13 de decembro, de proteccion de datos de caracter persoal, informaselle de que os datos facilitados a traves desta instancia seran tratados de xeito confidencial. Estes datos seran incorporados aos ficheiros do Concello de Cedeira relacionados con este tramite. Os datos utilizaranse para as xestións municipais derivadas dos procedementos e consultas que vostede inicia con esta solicitude. Asi mesmo, informaselle de que en calquera momento podera exercer os dereitos de acceso, cancelacion, rectificacion e oposicion comunicandoo mediante escrito que debera presentar no Rexistro Xeral do Concello.

ANEXO II

DECLARACIÓN RESPONSABLE

Con DNI _____, e con enderezo a efectos de notificacións en _____

1. DECLARO RESPONSABLEMENTE, en relación coa convocatoria da subvención para gastos de funcionamento de Escolas de Música de Cedeira que:

- Todos os datos que constan na solicitude e nos documentos que se xuntan son certos.
- Non incorre a Asociación que represento en ningunha das prohibicións para obter a condición de beneficiario/a da subvención establecidas nos apartados 2 e 3 do artigo 13 da Lei 38/2003, xeral de subvencións, e apartados 2 e 3 do artigo 10 da Lei 09/2007, de subvencións de Galicia e reúne as condicións para ser beneficiario/a de acordo co previsto na base segunda desta convocatoria.

2. DECLARO RESPONSABLEMENTE, en relación coa convocatoria da subvención para gastos de funcionamento de Escolas de Música de Cedeira que:

- A Asociación que represento non ten pendentes obrigas tributarias co Concello de Cedeira, nin coa Administración de Facenda ou Seguridade Social.

3. ACEPTO as actuacións de comprobación e seguimento que leve a cabo o Concello.

4. AUTORIZO, para os efectos da Lei Orgánica 15/1999, de 13 de decembro, de protección de datos de carácter persoal, ó Concello de Cedeira a incorporar estes datos, ou aqueles outros dos que tivera coñecemento como consecuencia da relación iniciada, a un ficheiro automatizado responsabilidade do Concello Cedeira que ten por finalidade dar cumprimento as funcións a realizar dentro do proceso de tramite, xestión, concesión e pagamento encomendados pola Lei Xeral de Subvencións 38/2003 e normativa de desenvolvemento, así como para a xestión doutros servizos ou programas de iniciativa municipal do seu posible interese.

Son, así mesmo, consciente de que os datos facilitados poden resultar obrigatorios para a xestión e tramitación do expediente, e comprométome a comunicar no menor prazo de tempo posible ó Concello de Cedeira, calquera variación dos datos manifestados co fin de poder proceder a súa actualización. A unidade tramitadora, en tanto non se comunique o contrario, entendera que os datos proporcionados son exactos e actuais.

Por parte de representante legal asinante ou calquera outro interesado poderanse exercer os dereitos que lle asisten de acceso, rectificación, cancelación e oposición na forma legalmente prevista, remitindo comunicación ó Concello de Cedeira.

5. COÑEZO as responsabilidades legais que se derivan por falsidade en documentos administrativos e, en particular, a esixencia do reintegro da subvención mais os intereses de demora correspondentes, sen prexuízo da tramitación do correspondente expediente.

Cedeira, _____ de _____ do 2017.

Asdo.: _____

Cedeira, 31 de xullo de 2017.

O Alcalde

Pablo Diego Moreda Gil

2017/6845